

# Vom Cometeit / am ende / des 1618. Jahres.

## Das Erste Capittel.

### Eine Nothwendige Christliche Vorrede.

**V**nstiger Gottesliebender Leser / Es kan fast nicht anders seyn / vnd ist baldt vnmöglich / das diese beyderley nunmehr vngewenstelt vnd gewis nicht für der Thür seyn solten / vnd nicht lange aussen bleyben werden / nemlich / Erstlich / das die Regimente der Welt / mit greulichem Auffruhr / vnd darauff folgenden Blutvergiessen / dergestalt in schrecklichen verenderungen / verwechselungen / vnd umbsetzungen der Königreichen vnd Fürstenthumber / vber einen hauffen sollen aewossen werden / das man nicht wissen wird / wer Koch oder Keller / Herr oder Knecht sey / vnd wer in etlichen künfftigen Jahren / vber diß vnd jenes Landt / Königreich / Fürstenthumb / Graffschafft / Herren oder Edelland / Item fürnehme grosse Städte / zu regieren vnd zugebieten haben werde. Daneben wird die reine Religion / vnd der rechte Gottesdienst / nur in etlichen wenig Provincien, vnd Städten / erhalten werden / Ja / wie der Herr Iherus Propheceyet hat / das wenig reine Predigstühle / vnd nur etliche Häuser / das reine Wort Gottes vnverfälschet behalten sollen.

Zum Andern / ist gewis zuuermuthen / Ja mit freuden zuhoffen / das der liebe Jüngste Tag / vnd das letzte Iudicium oder Gerichte vnser Herrs Jesu Christi / nunmehr baldt für der Thür sey / an welchem der liebe Gott / dem Gottlosen tumult vnd wesen / ein froliches ende machen / vñ allen Jammer in ewige Freude vnd Himlische Bonne vrrandeln wird. Vnd ob wol das Jahr vnd der Tag keinen Menschen offenbahret worden: So geben es doch beydes die Sprache  
vnd